

TITU

Yá pò kú láe bee guu

Tituá Yesudee, ãma Yuda no (Gal 2.1-3). A gò Pòlu ìwa ùe mé à zì zṵò kè Kòlenideò ní Pòluo maakṵe yá musu (2Kln 7.6-16). Pòlu láe bee kèè gṵò pò Titupi ku Keleti, à Yesude pò aa kú ísia gūgūnapiwao yágéa'aezì nàè aà ɔzì.

Lápi daaleaá waaso pò Pòlu ìò kené yáe (1.1-4). Bee gbéa yá pò a ðile gáli dṵaanaṵne (1.5-16). Lee pla guu à ledà Tituwa gbé pò àle zikéñṵò yá musu: Maeziò, nṵeziò (à kù aa yādada wéndiaṵne), èwaasoò ní zṵò (2.1-15). Lee aaṵ guu à Yesude yákeao bṵòlekè, ké an kua aao na, aasuli kṵkpaaleo (3.1-11). Bee gbéa à ledà Tituwa, à fṵkpamá (3.12-15).

Lápi kyokena a e ké lápi waaso de Titu yá ù adoo. Yá'ia pò Pòlu òá yá'ia pò ìò Yesudeò le mṵòmṵòe: Yesudeò yáò zékalea ní dṵaanaò yákeao ní Yesudepio yákeao.

Titu zikea Keleti bùsuu

¹ Ma Pòlu, Lua zṵòblena, Yesu Kilisi zina, à ma zì mà gbé pò Lua ní séò da a zéu, mí tó aa lousisia síana dṵ,

² an wé ìò dṵ àizāna pò Lua a legbè zadṵ gṵò i daaleozi, Luapi lí eto sṵò.

³ Yápi bṵ gupuau a gṵowa waaso pò Lua wá Suabana nàmee ma ɔzì guu, lá a ðilewa.

⁴ Mámé ma láe bee kène Titu,* ma ne'ia Yesu zé

* 1:4 2Kln 8.23

pó wá kúu sǎnu guu. Mae Lua ní Kilisi Yesu wá Suabanapio gběkekene, aai n gba aafia.

⁵ Ma n to Keleti ké n yá pó gò weo gógò, ní gbězòòò dilé wéle ní wéleó lá má ònewa.

⁶ A maa gbězòòò lío ku táaesai nómendode ũe. Aà néo ɔ luayámanaò ũ, i ke aao de né zazaa lalasideò ũ no.

⁷ Lá dɔaanaá ziiæ Lua zí guu, a maa aào de táaege ge swágbáade ge pòkúmade ge igbēna ge ãiapáside ge ɔwεεlɛmběe ũo,

⁸ sema nibòfɔna ũ, laaide pó zè ní maakeao ũ, gbēmaa pó a kua adoa mé a azía kúa dō ũ,†

⁹ gbé pó zè súsu ní Lua yá náaideo lá wí danéwa ũ, ké à e lɛda gběpáleòwa ní yá standepio, i gbé pó bò a yá kpeo εkané ní ɔzì.

¹⁰ Asa swáyámansaide pó aai gbéò liaa ní ní yá'oaò dasi, atěsa Yudaò guu.

¹¹ Aaí ua búu gbéò òòkpa. A maa wà lɛòkpané. Aaí yá pó de wà danéo dané ɔběe'ea yáí.

¹² Keleti bùsu ãnabie mē Keletiá εdeòne, wai pásìòne, ye'uiade pòewonsaìòne.

¹³ Yápiá síanae. Ayámeto lɛdamá pásipási, ké aa zése súsu.

¹⁴ Aasu laaidò Yudaò fiwao ge gbé pó kè síanawao yádileaò.

¹⁵ Pɔe lío gbási gbásisaideòneo, mé pɔe lío gbásisai luayádansai gbásideòneo, ké an láasoo ní ní nòseò vái yáí.

¹⁶ Aaí mε wa Lua dō, ò an yákea ì ní εbo. Lua ginzideòne, aali aà yámao, aali fō yámaae kèò.

† 1:8 1Tim 3.2-5

2

Lɛdaa Lua gbéowa

¹ Mpi sɔ̄, yá pɔ̄ i kpaaí n̄ yá siande daanéó oné.

² O maezɔ̄ɔ̄ne aaó n̄zia k̄ua d̄s gbé gbiaō ũ, laaideō ũ. Aa zése súsu n̄ yea gbéozio n̄ menao.

³ O nɔ̄ezɔ̄ɔ̄ne lo aaō ku Lua gbéó kuawa. Aasu wàò de gudena ge v̄e zò ũo. Aali yāmaa da nɔ̄gbāaone,

⁴ aali lɛdamá an baade àò ye a zázi n̄ a néo,

⁵ aaō de laaideō ũ gbāsisai, aa laaidō n̄ nɔ̄zāekenziwa, an baade misiile a zāe, ké wasu Lua yá b̄eboo yáí.

⁶ Lɛda èwaasoōwa lo aaō laai v̄i yápii guu,

⁷ ní maakea zé ɔ̄loné. N yādaané àò gbia kolesai.

⁸ Yázede pɔ̄ wa f̄s a εboo dané, wí i gbé pɔ̄ b̄ò n̄ kpe kú, ké i e v̄ai ò n̄ yá musuo yáí.

⁹ Lɛda zɔ̄owa aali misiile n̄ diiɔ̄ne yápii guu, aali yá pɔ̄ a kángu ke. Aasuli bō n̄ yá kpeo.

¹⁰ Aasu n̄ kpáí'oo. Aa to aaō n̄ d̄s gbé náaideō ũ maamaa, ké Lua wá Suabana yá pɔ̄ wi dané e teke yápii guu.

¹¹ Asa Lua gbēke pɔ̄ m̄ò n̄ gbépii suabaō b̄ò gupuau.

¹² Gbēkepi lé dawēe wà mikē yá pɔ̄ i kpaaí n̄ Lua yáooe n̄ d̄unia p̄onideaō, wíò wázia k̄ua d̄s gbēmaaō ũ, luayāmanaò ũ d̄unia tiaε bee guu,

¹³ wíò wedō p̄onakegɔ̄ pɔ̄ wáε dáí. Ōme wá Lua z̄ō wá Suabana Yesu Kilisi m̄ogɔ̄ gawide ũ.

¹⁴ A azia kpà wá ḡe ũ, ké à wá bō v̄ai pii guu, i wá gbāsi wolo a gbé yenzideō ũ, gbé pɔ̄ maakea áia v̄iō ũ.

15 Yápiɔ oné, ní lɛdaomá, ní n gba laai n n ikoo pii. Nsu to gbɛɛ sakanguo.

3

Wà laaidɔ maakɛawa

1 Dɔ n gbéɔgu aali misiile gbãadeɔne n ikodeɔ,* aa n yãma, aao kú n maakɛa pii sɔuo.

2 Aasu gbɛɛ tobɛsio. Aao de nɔsedoude yãkelesaide pɔ busaa gbépiiɔ ũ.

3 Asa wápiɔ sɔ wá faa ví yãao, luayãdansaiɔn wá ũ. Wá sásãa, wá de pɔnakɛa n dɛɛ'ii piiɔ zɔɔ ũ. Wiɔ ku nɔsevãii n wedɔakɔɛo guu. Wá de gbé giaɔ ũ, wá zakɔu.

4 Ké Lua wá Suabana gbɛke n aà yea gbéɔzio bɔ gupuau,

5 ɔ à wá suabà. I ke wá maakɛa yáii no, ké à wɛnadòwɛɛ yáii.† A wá zu'ò, à wá í dafu, a tò wa gɔ gbé dafuɔ ũ n a Nisina

6 pɔ a pisiwá gbãao Yesu Kilisi wá Suabana sabai,

7 ɔ yá bɔwanɔ na aà gbɛke yáii, wa gɔ aà gɔablenɔ ũ, ɔ wá wé dɔ àizãnai.

8 Yápiá síanaɛ.

Má ye n káasike yápiɔwa maamaa, ké luayãmanaɔ e wá mekpa maakɛawa. Bee maa, a káfia ví gbéɔne.

9 Páale yá misai gwaaɛ n deziɔ tɔ kɔnwɛao n sòleo n lekpaakɛa Moizi ikoyã musuo, asa yãpãɔne, aa káfia vío.

10 Gbé pɔ í to wá kɛaa gba laai baa gɛn pla, ní gbasa n aà yá.‡

* **3:1** Lom 13.1-2, 1Pie 2.13 † **3:5** Efe 2.8 ‡ **3:10** Mat 18.15-17

¹¹ Nyõ dõ ké gbé bee taa òkpà. Duunkenaε, à azia dàyãu.

¹² Tó ma Aatema ge Tisiki zìma, zεwεελε mo ò ma le Nikòpli, asa ma zεò mà buziεble weε.

¹³ Kòai ke ò zé kùsũa ke bùsu ikoyãdõna Zenasiε ní Apoloo, ké pœ su késãmáo.

¹⁴ A maa wá gbéõ maakεa dada, aaiò ke, aai bõõle zεazεaò ke, ké aasu wàò ku pão.

¹⁵ Gbé pò wá sãnuò fòkpàma píi. Fòkpa gbé pò aa yewázi Yesu zé guuowa. Lua gbẽkekeé ápii.

Bibeli Luayátaalá
The Holy Bible in the Boko language spoken in Benin
and Nigeria

copyright © 2010 SIM International

Language: Boko

Translation by: SIM International

Boko Bibeli Luayátaala

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

PDF generated using Haiola and XeLaTeX on 18 Apr 2025 from source files dated 29 Jan 2022

ffb0f4b3-18b7-564f-bd5d-307e9e532fb9